

Lo rendetz-vos mesadèr

N° 5



Calendari de las animacions

- **2 de junh** : Julhan, sala de las Hèstas a 20 òras 30, bal tradicionau animat peu grop Pialòt de Còrdas.
- **2 de junh** : Abadia de Sent Sever de Rustang, 18 òras 15, vernissatge de l'exposicion Daunas en Paraulas (visita de l'abadia, contes pirenençs, visita de l'exposicion). Mes de renshaments sus [aqueth ligam](#).
- **10 de junh** : Frechèda, sala de las Hèstas a 21 òras, bal tradicionau animat peu grop Tiquetantolha. Entrada 8 €.

Hestau Tarba en Canta

Deu 6 au 11 de junh, Tarba en Canta que si torna a animar la vila de Tarba e la sua aglomeracion. Mantuas animacions que son previstas :

- **6 de junh**, 20 òras 30, Théâtre des Nouveautés, concert dab Jean Menconi e los sues musicians e lo grop A Chjama polifonias
- **7 de junh**, 20 òras 30, glèisa de Julhan, concert dab lo grop Lado Polifonia
- **8 de junh**, 20 òras 30, glèisa de Semiac, concert dab lo grop Los Aguilhonès
- **9 de junh**, 20 òras 30, glèisa Sent Jan de Tarbas, concert dab lo grop Compagnia Sacco di Ceriana
- **10 de junh**, 20 òras 30, Colegiu d'Ibòs concert dab los grops Eths D'azu e Las que Cantan
- **11 de junh**, 17 òras, Quiòsc deu Casau Massey concert dab los grops Bahez e La Bande a Koustik

Que podetz arretrobar au programa sancèr en seguir [lo ligam aqueth](#).



Edicion

La mala diccion de Viramot

de Joan Miquèu Dordeins e Sabrina Marèrè


Ua escala per escòla, ua glèisa d'estile botica, un abriu qui cola tot l'an e tot au som de la sèrra un cruspèth arroeinat ; atau qu'ei lo vilatge de Viramot. Abriu-arriu, cruspèth-castèth, los mots qu'i son virats. Per quina coda de pradèra ? Que'n sauràs mei en seguir l'enquèsta palpitanta de Emma Tòma, Adèla Efant e Pau Ruc, los tres mosca-e-taures.

La mala diccion de Viramot, un raconte originau qui't portarà dinc au país megabrumós e meravilhós deus nòds virats.

40 paginas – 8 €

Libe editat per Per Noste.

Entau comandar de seguir [lo ligam aqueth](#).



Sejorn vacances

Lo Centre de vacances Oxygers en partenariat dab l'association Parlem que'vs perpausa d'inscriure au(s) vòste(s) mainat(s) (de 8 a 12 ans) a un sejorn immersiu a l'entorn de l'occitan.

Lo sejorn que dura 7 dias dab 6 nueits dens lo centre situat a Arrèu en Hautas-Pireneas.

Au programa :

- aprentissatge de las dansas e cantas tradicionaus (dab bal gascon), jòcs e espòrts tradicionaus
- contes tradicionaus
- Lectura deu paisatge, aprentissatge deu vocabulari de la flòra e fauna
- Rondalejada fauna e flòra
- Piscina au centre
- Garrapada
- Rafting

Lo sejorn que serà animat en occitan.

[Mes de renshaments e inscripcions suu site internet d'Oxygers.](#)

